


[← უკან](#)
[«წინა შედეგი»](#)

საკასაციო საჩივარი			
საქმის ნომერი	ას-1019-2019	კატეგორია	სანივთო სამართლებრივი დავა
თარიღი	14/06/2021	სახეობა	დაკავშირებული უძრავ ქონებაზე საკუთრებასთან
შედეგი	გაუქმდა და მიღებულია ახალი გადაწყვეტილება	დავის საგანი	უკანონო მფლობელობიდან ნივთის გამოთხოვა

გადაწყვეტილება/განჩინება

საქმე №ას-1019-2019

14 ივნისი, 2021 წელი

თბილისი

სამოქალაქო საქმეთა პალატის მოსამართლეები:
ვლადიმერ კაკაბაძე (თავმჯდომარე, მომხსენებელი),
ლევან მიქაბერიძე, მირანდა ერემაძე

საქმის განხილვის ფორმა - ზეპირი მოსმენის გარეშე

კასატორი (მოსარჩელე) - ე.ლ-ძე

მოწინააღმდეგე მხარე (მოპასუხეები) - ნ.ქ-ბ-ა, ვ. ბ-ა, ნ. ბ-ა

მესამე პირი - საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრო

გასაჩივრებული განჩინება - თბილისის სააპელაციო სასამართლოს სამოქალაქო საქმეთა პალატის 2019 წლის 19 მარტის გადაწყვეტილება

კასატორის მოთხოვნა - გასაჩივრებული გადაწყვეტილების გაუქმება და ახალი გადაწყვეტილების მიღებით, სარჩელის დაკმაყოფილება

დავის საგანი - უკანონო მფლობელობიდან ნივთის გამოთხოვა

განმცხადებლის მოთხოვნა - უსწორობის გასწორება

აღწერილობითი ნაწილი:

საქართველოს უზენაესი სასამართლოს 2021 წლის 5 მარტის გადაწყვეტილებით ე.ლ-ძის საკასაციო საჩივარი დაკმაყოფილდა; გაუქმდა თბილისის სააპელაციო სასამართლოს სამოქალაქო საქმეთა პალატის 2019 წლის 19 მარტის გადაწყვეტილება და მიღებულ იქნა ახალი გადაწყვეტილება, რომლითაც ე.ლ-ძის სარჩელი დაკმაყოფილდა; ვ. ბ-ას, ნ.ქ-ბ-ასა და ნ. ბ-ას უკანონო მფლობელობიდან გამოთხოვილ იქნა ე.ლ-ძის საკუთრებაში არსებული უძრავი ნივთი, მდებარე: ქ.თბილისი, კორპუსი № 24, სარბაზო 2, სართული 1, ბინა № 24 (საკადასტრო კოდი -) და თავისუფლებულ მდგომარეობაში გადაეცა ე.ლ-ძეს.

საქართველოს უზენაესი სასამართლოს მიერ 2021 წლის 8 ივნისს №ას-1019-

2019 სამოქალაქო საქმეზე გაცემულ იქნა სააღსრულებო ფურცელი.

2021 წლის 11 ივნისს საქართველოს უზენაესი სასამართლოს განცხადებით მომართა ე.ლ-მემ და მოითხოვა 2021 წლის 5 მარტის გადაწყვეტილებაში და 2021 წლის 8 ივნისის სააღსრულებო ფურცელში დაშვებული უსწორობის გასწორება.

სამოტივაციო ნაწილი:

საკასაციო სასამართლო მიიჩნევს, რომ ე.ლ-მის განცხადება უნდა დაკმაყოფილდეს და გადაწყვეტილებაში და სააღსრულებო ფურცელში დაშვებული უსწორობა უნდა გასწორდეს შემდეგ გარემოებათა გამო:

სამოქალაქო საპროცესო კოდექსის 260-ე მუხლის პირველი ნაწილის მიხედვით, სასამართლოს შეუძლია მხარეთა თხოვნით ან თავისი ინიციატივით გაასწოროს გადაწყვეტილებაში დაშვებული უსწორობანი ან აშკარა არითმეტიკული შეცდომები.

განსახილველ შემთხვევაში კასატორმა განცხადებით მოითხოვა საქართველოს უზენაესი სასამართლოს 2021 წლის 5 მარტის გადაწყვეტილებაში და 2021 წლის 8 ივნისის სააღსრულებო ფურცელში დაშვებული უსწორობის გასწორება. განმცხადებელი უთითებს, რომ სადავო უძრავი ქონების მისამართი არასწორად არის მითითებული 2021 წლის 5 მარტის გადაწყვეტილების მეოთხე პუნქტში და N24-ე კორპუსის ნაცვლად, მითითებული უნდა იყოს N34-ე კორპუსი.

საკასაციო სასამართლო მიიჩნევს, რომ უნდა შესწორდეს საქართველოს უზენაესი სასამართლოს 2021 წლის 5 მარტის გადაწყვეტილებაში და 2021 წლის 8 ივნისის სააღსრულებო ფურცელში დაშვებული უსწორობა და 2021 წლის 5 მარტის გადაწყვეტილების მე-4 პუნქტი ჩამოყალიბდეს შემდეგნაირად: ვ. ბ-ას, ნ.ქ-ბ-ასა და ნ. ბ-ას უკანონო მფლობელობიდან გამოთხოვილ იქნას ე.ლ-მის საკუთრებაში არსებული უძრავი ნივთი, მდებარე: ქ.თბილისი, № 34, სადარბაზო 2, სართული 1, ბინა № 24 (საკადასტრო კოდი -) და გამოთავისუფლებულ მდგომარეობაში გადაეცეს ე.ლ-მეს.

სარეზოლუციო ნაწილი:

საკასაციო სასამართლომ იხელმძღვანელა სამოქალაქო საპროცესო კოდექსის 260-ე მუხლის პირველი ნაწილით, 399-ე მუხლით, 408-ე მუხლის მე-3 ნაწილით და

დაადგინა:

1. ე.ლ-მის განცხადება უსწორობის გასწორების თაობაზე დაკმაყოფილდეს;
2. გასწორდეს საქართველოს უზენაესი სასამართლოს სამოქალაქო საქმეთა პალატის 2021 წლის 5 მარტის გადაწყვეტილებაში და 2021 წლის 8 ივნისის სააღსრულებო ფურცელში დაშვებული უსწორობა და 2021 წლის 5 მარტის გადაწყვეტილების მე-4 პუნქტი ჩამოყალიბდეს შემდეგნაირად: ვ. ბ-ას, ნ.ქ-ბ-ასა და ნ. ბ-ას უკანონო მფლობელობიდან გამოთხოვილ იქნას ე.ლ-მის საკუთრებაში არსებული უძრავი ნივთი, მდებარე: ქ.თბილისი, კორპუსი № 34, სადარბაზო 2, სართული 1, ბინა № 24 (საკადასტრო კოდი -) და გამოთავისუფლებულ მდგომარეობაში გადაეცეს ე.ლ-მეს.
3. საკასაციო სასამართლოს განჩინება საბოლოოა და არ საჩივრდება.

მოსამართლეები:

ვლადიმერ კაკაბაძე

ლევან მიქაბერიძე

მირანდა ერემაძე

[← უკან](#)

[«წინა შემდეგი»](#)